



## Publicaziuns dalla vischnaunca, jamna 35

### Cussegl da vischnaunca

Il cussegl da vischnaunca seraduna **mesjamna, ils 9 da settember 2015** allas 20.15 en casa communal.

Tractandas:

1. Planisaziun locala: Revisiun parziala (messadi 31-2013/2016)
2. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

### Sera d'informaziun publica davart la meglieraziun funsila Publicaziun dil project d'exposiziun

**Venderdis, ils 11 da settember 2015** allas 20.15 ha liug en halla Cons in'orientaziun publica davart la publicaziun dil project d'exposiziun dalla meglieraziun funsila.

Il acts da meglieraziun ein exponi naven da venderdis, ils 11 da settember entochen gliendisdis, ils 12 d'october 2015 ella stanza da sedutas el plaunterren dalla casa communal e quei mintgamai gliendisdis entochen venderdis durant las uras da spurtegl (9.00–11.30/ 14.00–17.00).

Igl inschignier responsabel ed il president dalla cumissiun da meglieraziun stattan a disposiziun per informaziuns venderdis, ils 18 da settember e venderdis, ils 25 da settember 2015 mintgamai dallas 14.00 entochen allas 18.00 el local d'exposiziun.

Naven dils 11 da settember 2015 eis ei era pusseivel da prender investa dil project general via internet (<http://www.cavigelli.ch/dienstleistungen/oeffentlicheauflagen/>).

Tuts interessai ein cordialmein envidai a quell'occorrenza d'informaziun en favur dall'agricultura e dil turissem.

*Suprastonza communal*

---

### Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*



### Forum cultural internaziunal Mustér FCIM

**Sonda, ils 19 da settember 2015** naven dallas 13.00– ca.24.00 ha liug el Center da sport e cultura a Mustér  
ina scuntrada denter Portughes e Grischuns.  
Nus selegrein da vossa viseta. Informaziuns detagliadas  
anfleis vus sut [www.forum-disentis.ch](http://www.forum-disentis.ch)

---

### Uniun samaritana Mustér

Nies proxim exercezi meinsil ha liug gliendisdis, ils 7 da settember 2015. Nus serimnein allas 19.30 sigl areal dalla Strabag a Funs. Trer en buns calzers e resti tenor l'aura.  
A stedia participaziun envida  
Ad in bien e frestg seveser

*la presidenta*

---

### La Cuorsa dil Rein

#### La Cuorsa dil Rein fa pausa

Il comité d'organisaziun CdR ha en sia davosa seduta decidiu da buca menar atras il 2016 la novavla edizium dalla Cuorsa dil Rein a Mustér/Sedrun. Differents motivs han menau a quella decisiun. Finamira ei da restructurar ed organisar il 2017 la proxima cuorsa cun reponderar da rudien igl entir event. Il comité d'organisaziun engrazia grondamein a curridras e curriders, a gidontras e gidonters, a sponsurs e donaturs pil nunstunclenteivel engaschi ed agid e pil generus sustegn. Nus sperein d'astgar puspei quintar cun Vies support il 2017 a caschun dalla nova edizium dalla Cuorsa dil Rein. Sin bien seveser a Mustér/Sedrun!

---

### Yoga ni gimnastica dalla damaun a Mustér

Ina manadra ed in manader da Yoga sco era ina manadra da gimnastica sebrattan da porscher yoga ni gimnastica ad in e scadin che ha tschaffen ed interess.  
Naven dils 15 da settember 2015 entochen la fin d'avrel 2016 purschin nus in'ura da beinstar per tgierp ed olma. Nus s'entupeiin mintga mardis dallas 8.30–9.30 en halla Cons a Mustér. Igl ei denton era pusseivel da visitar mo singulas lecziuns. Tier mintga participaziun ei da contribuir ina pintga indemnisaziun da 10.– francs per cuvierer ils cuosts.  
Sin bien seveser e cordial beinvegna a tuts interessai.

*Las organisaturas, il menader e las menadras*

---

### Yoga oder Morgengymnastik in Disentis

Eine Yogaleiterin und ein Yogaleiter sowie eine Gymnastikleiterin erteilen abwechselungsweise eine Stunde Yoga oder Gymnastik. Vom 15. September 2015 bis Ende April 2016 bitten wir Frauen und Männern, Jungen und Alten, Einheimischen und Auswärtigen eine Wohlfühlstunde an. Wir treffen uns jeden Dienstag von 8.30–9.30 Uhr in der Turnhalle Cons, Disentis. Man kann jedoch alle oder nur einzelne Lektionen besuchen. Bei jeder Teilnahme ist ein kleiner Beitrag von Fr. 10.– zu entrichten, um die anfallenden Kosten zu decken.  
Wir heissen alle Interessierten herzlich willkommen.

*Die Organisatorinnen, der Leiter und die Leiterinnen*



### Uniun da gymnastica da dunnas

Nus entschevin puspei cun la gymnastica **gievgia, ils 3 da settember 2015**

- a) gruppa da gymnastica e gymnastica 50+: allas 20.00 en halla 1 e 2
- b) gruppa da balla da reit (Netzball): allas 20.00 en halla 3

Nus selegrein sin stedia participaziun.

---

### Frauenturnverein

Unsere Turnstunden beginnen wieder am **Donnerstag, 3. September 2015**

- a) Gruppe Gymnastik und Gymnastik 50+: um 20 Uhr in Halle 1 und 2
- b) Gruppe Netzball: um 20 Uhr in Halle 3

Wir freuen uns auf zahlreiche motivierte Frauen.  
*El num dalla suprastanza, Helga Probst*

---

### Unihockey Desertina Bulls

#### Temps da trenaments per Junior/as

Juniors C, annadas 2002–2004	gliendisdis, 18.30–20.00
Juniors U16, annadas 2000–2001	mardis e gievgia, 18.30–20.00
Junioras, annadas 1999–2004	gliendisdis (naven dils 28-9-2015), 18.30–20.00
Kids, annadas 2005–2007	mesjamna (naven dils 7-10-2015), 18.30–19.30

Dapli informaziuns anfleis vus sut [www.desertinabulls.ch](http://www.desertinabulls.ch)